



Future-proofing our children

Sikolo sa la Sunda 3

Toho ya Tuto

Josefa mwandu ya Potifaro

Buka ya Bashemi

Sikolo sa la Sunda sa mwa malapa



Balatiwa Bashemi

Mu amuhelwa kwa tuto ya “**Josefa mwandu ya Potifaro**” ya sikolo sa banana sa la Sunda 3. Pampili ye, imi tusa hainyani ka mo, muswanel ku fela tuto ye:

Mo muswanela ku itukiseza ni fa tuto ye

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kena fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: - Bibele - Ma pampili a likisizwe kale a tuto ye. - Buka mwa sebeleza mwanana, lopitoloto ni lipendiso za banana, ni zeñwi cwalo. - Video ye lukisizwe, ye kona ku sebeliswa ku ekeza fa halimu a tuto (ha ku konahala) - Katekisma ni buka ya lipuzo ni likalabo (Kwa banana ba bali mwa lotopa za Tiisezo) Mamela: 2.1: Nako yende yakufa tuto ki la Sunda ka kusanani, ka samulaho a sebelezo, sina banana ha ba fiwanga lituto ka nako yeo. 2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande. (Mu sike mwa bulela ze sa a mani tuto) ya mwanana – Mina ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i> 2.3: Lituto li kau hanyizwe ka itopa (Sikolo sa la Sunda, Lituto ya Bibele ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mubone tapelo ye ñozwe, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela Yena.
4.	Mu eze sibaka sa tuto kuba se sinzi hande (ku sina lilata) foo mina ni mwanana mu bani ni buino bo buswana. Ka mutala: Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe video ya tuto kuli mube ni kutwisiso hande ya tuto.
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa Malapa

Mo kuswanehela ku itukiseza ni fa tuto ye

Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha ku amana in Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze WhatsApp chat tuto ye ni mabasi amanwi a sikolo sa la sunda.
2. Mu ambole ni bashemi ba banwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zemwi ku amana ni tuto ye.

 Notes



Tuto

Toho ya tuto	Josefa mwandu ya Potifaro
Timana ya Bibe	Genesis 39: 1-21
Mutomo/ butokwa bwa tuto	Banana ba ituta kuli Mulimu u fuyola beli ba hae, mwa mazazi a mande ni a maswe.

Tuto ye kusufalizwe:

Tuti ye i lu supeza kuli ni ha lu sa utwisisi mazazi a maswe mwa bupilo bwa luna, Mulimu una ni za lelile/za lukisize. U bata ku lu fuyola ni ku lu sileleleza.

- Josefa a iswa kwa Igepita mi ayo lekiswa sina ka mutanga ku Potifaro, muzamaisi wa mapolisa ba lapa la mulena. Mulimu na inzi nu Josefa.
- Kapili Potifaro a lemuha kuli n'a babalelwa ki Muñ'a Bupilo, ni kuli Muñ'a Bupilo na tusa Josefa ku kondisa za na eza kaufela. Potifaro na lata Josefa, mi na tabiswa ki mukwa wa na mu sebeleza ka ona. Kiha sa mu eza sikombwa se situna sa ndu ya hae ni za na na ni zona kamukana.
- Mwamulaho a nakonyana, musala mulena Potifaro a kala ku talima Josefa ka takazo mi a bata ku ba ni silikani sa lilato no yena. Josefa a hana kakuli na ziba kuli neli taba ye na fosahezi mi na ka foseza ni ku utwisa Mulimu ni Potifaro butuku/ bu maswe.
- Musala Potifaro na bizanga Josefa ka zazi ni zazi, yena na sa teezezi. Zazi le liñwi, Josefa ha kena mwa ndu ku yo sebeza, Musali yo kih'a to mu swala kwa baki, kono a mu bolomoka, mi a matela kwande, a mu siya a nza swalelezi baki ya hae mwa mazoho.
- Musala Potifaro a nyema ni ku filikana ahulu, mi a hupula ku eza taba ya ku kenya Josefa mwa butata. Kiha sa biza batu ba hae, a li, "A mu bone! Josefa u ni kenezi mwa ndu ya ka ku t'o ni kupa kuli ni fose ni yena, kono na huwa mo ne ni konela kaufela. Ha sa ni utwa ni huwa, s'a matela kwande, ku siya baki ya hae".
- A buluka baki yeo ku fitela muñ'a Josefa a fita. Kiha mu kandekela yona taba yeo ya buhata. Mulena Potifaro a halifa hahulu ha utwa za mu bulelele litaba zeo musala hae, Kiha sa tamisa Josefa ni ku mu kenya mwa tolono. Kono Josefa na nza sepile Mulimu mi na ziba kuli Mulimu na inzi ni yena.
- Muñ'a Bupilo a babalela Josefa ka sishemo sa hae, mi ne ku si kanga nako Josefa sa ba yena muzamaisi, yena ya na na ni buikalabelo fa lika kamukana ze ne eziwa mwa tolono.



Kanti tuto ye italusa sikamañi ku luna kacenu?

- Mwa linako zemwi lu ipumana mwa lika ze lu sa utwisisi. Ni haoke kuli Josefa na sika ikutwa ku taba ni kuli na sa koni ku utwisisa kuli libaka ki lifi hana beilwe mwa tolono, na zwezi pili ku sepa kuli mulimu uka mutusa.
- Josefa na fuyozwi ni ku bukelelwa ki Mulimu, mwa mazazi a mande ni a maswe.
- Mulimu u bata kulu fuyola ni ku lu bukeleza. Ni haike kuli mwa linako zemwi ha lu utwisisi za eza Mulimu, lu kona ku musepa.

Lipuzo zemwi ze lukona ku buza:

1. **Ki munna mañi koo Josefa na lekisizwe teni sina ka mutanga mwa lgepita?**
Kalabo: Potifaro
2. **Mulimu na fuyozi cwañi Josefa nako yeo ha li mutanga mwandu ya Potifaro?**
Kalabo: Josefa na kondisa za na eza kaufela, mi Potifaro a beya lika za hae kamukana mwa pabalelo ya Josefa
3. **Libaka ki lifi, Politafaro ha na beile Josefa mwa tolono?**
Kalabo: Musala Potifaro, na bulezi buhata mi na bulezi kuli Josefa na mu lwanisize/ tundanisize.
2. **Ne ku ezahezi sika mañi ku Josefa, nako yeo ha na inzi mwa tolono?**
Kalabo: Mulimu aba ni yena, a mu fuyola hape mi a ba yena muzamaisi, yena ya na na ni buikalabelo fa lika kamukana ze ne eziwa mwa tolono.

Tapelo ya Bo Ndate ni Boma ye fiwa pili tuto isi ka tateka:

Mulimu ya lateha. Lwa itumela kwa lizazi la kachenu

Ulufoyole kaufela luna

Tusa kuli lukone ku lemuha ku bateni kwa Hao

Fuyola tuto ye lu taba ni yona

U lu hupulise kuli lu ku lapele mwa linako kaufela

U lutuse ku itumela nako kaufela mi lwa itumela kwa sepiso ya kuli

kozo ya hao ikaba ni luna

Luma Jesu ato lunga

Mi ulutuse kuba baba itukiselize ku mukatanyeza

Mwa libizo la Jesu lwa lapela

Amen